

**«Հայաստանի Հանրապետության կառավարության
2010 թվականի դեկտեմբերի 30-ի N 1734-Ն և 2013
թվականի դեկտեմբերի 26-ի N 1489-Ն որոշումների
մեջ փոփոխություններ կատարելու մասին» ՀՀ
կառավարության որոշման նախագիծ**

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

_____ 2021 թվականի N -Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2010 ԹՎԱԿԱՆԻ
ԴԵԿՏԵՄԲԵՐԻ 30-Ի N 1734-Ն ԵՎ 2013 ԹՎԱԿԱՆԻ ԴԵԿՏԵՄԲԵՐԻ 26-Ի N 1489-Ն
ՈՐՈՇՈՒՄՆԵՐԻ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

Համաձայն «Նորմատիվ իրավական ակտերի մասին» օրենքի 33-րդ, 34-րդ հոդվածների և հիմք ընդունելով «Պետական կենսաթոշակների մասին» օրենքի 15-րդ հոդվածի 6-րդ մասը, 16-րդ հոդվածի 1-ին, 19-րդ հոդվածի 2-րդ, 21-րդ հոդվածի 2-րդ, 23-րդ հոդվածի 2-րդ մասը, «Պետական նպաստների մասին» օրենքի 6-րդ հոդվածի 4-րդ մասը՝ Հայաստանի Հանրապետության կառավարությունը որոշում է.

1. Հայաստանի Հանրապետության կառավարության 2010 թվականի դեկտեմբերի 30-ի «Հիմնական կենսաթոշակի, նվազագույն կենսաթոշակի և թաղման նպաստի չափերը, ստաժի մեկ տարվա արժեքը, պարտադիր ժամկետային զինվորական ծառայության շարքային կազմի զինծառայողների հաշմանդամության և նրանց ընտանիքների անդամների կերակրողին կորցնելու դեպքում կենսաթոշակների չափերը սահմանելու մասին» N 1734-Ն որոշման 1-ին կետում կատարել հետևյալ փոփոխությունները՝
 - 5-րդ ենթակետի «ա» պարբերությունում «40000» թիվը փոխարինել «43000» թվով, «բ» պարբերությունում «30000» թիվը փոխարինել «33000» թվով, «գ» պարբերությունում «27000» թիվը փոխարինել «30000» թվով,
 - 6-րդ ենթակետում «27000» թիվը փոխարինել «30000» թվով,
 - 7-րդ և 8-րդ ենթակետերում «26500» թիվը փոխարինել «28600» թվով:
2. Հայաստանի Հանրապետության կառավարության 2013 թվականի դեկտեմբերի 26-ի «Ծերության, հաշմանդամության, կերակրողին կորցնելու դեպքում նպաստների և թաղման նպաստի չափերը սահմանելու մասին» N 1489-Ն որոշման 1-ին կետում կատարել հետևյալ փոփոխությունները՝

1) 1-ին և 3-րդ ենթակետերում «26500» թիվը փոխարինել «28600» թվով,

2) 2-րդ ենթակետը շարադրել հետևյալ խմբագրությամբ.

«2) հաշմանդամության նպաստի չափերը`

ա. առաջին խմբի հաշմանդամի համար` 28600 դրամ.

բ. երկրորդ խմբի հաշմանդամի համար` 28600 դրամ.

գ. երրորդ խմբի հաշմանդամի համար` 28600 դրամ.

դ. հաշմանդամ երեխա ճանաչված անձի համար` 37000 դրամ.»,

3. Սույն որոշումն ուժի մեջ է մտնում 2022 թվականի հունվարի 1-ից: